



Concello de Vigo

D^a. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión extraordinaria e urxente do 15 de novembro de 2018**, adoptou o seguinte acordo:

5.- RECTIFICACIÓN DE ERRO MATERIAL NA TRAMITACIÓN DO EXPEDIENTE DE RESOLUCIÓN DA CONVOCATORIA ESPECÍFICA PARA POTENCIAR A PARTICIPACIÓN DE DEPORTISTAS DA CIDADE DE VIGO EN COMPETICIÓNS OFICIAIS DE ALTO NIVEL, TEMPADA DEPORTIVA 2017/2018, APROBADO POLA XGL EN DATA 30/10/18. EXPTE. 17473/333.

Visto o informe xurídico do 13/11/18 e o informe de fiscalización de data 14/11/18, dáse conta do informe-proposta do 09/11/18, asinado polo xefe do Servizo de Deportes, o concelleiro delegado de Deportes e o concelleiro-delegado de Orzamentos e Facenda, que di o seguinte:

ANTECEDENTES

1.- A Xunta de Goberno Local, na sesión celebrada o día 10/08/2018 aprobou as bases reguladoras e a convocatoria específica para potenciar a participación de deportistas da cidade de Vigo en competicións oficiais de alto nivel na tempada deportiva 2017/2018.

2.- A cantidade máxima destinada a este programa foi de 50.000,00€ (cincuenta mil euros) que se farían efectivos con cargo a aplicación orzamentaria 3410.4800000 “axudas a deportistas individuais de elite” do orzamento vixente da Concellería de deportes.

3.- A convocatoria e as bases do programa publicáronse na Base de Datos Nacional de Subvencións (BDNS) e no portal de transparencia do Concello de Vigo. Asemade, as Bases reguladoras e o extracto da convocatoria publicáronse no Boletín Oficial da Provincia os días 30.08.2018 e 24.08.2018, respectivamente. O prazo de solicitudes comezou o día 25 de agosto e rematou o 14 de setembro de 2018.

4.- O Servizo de deportes recibe a través do Rexistro electrónico do Concello de Vigo 13 solicitudes, presentadas polo procedemento e no prazo estipulado, tal e como establecen as Bases, en cumprimento da obriga imposta polo artigo 14.2.a) da Lei 39/2015, do 1 de outubro, do Procedemento Administrativo Común das Administracións Públicas (LPACAP). A Concellería de deportes, como órgano instrutor do procedemento, procedeu ao estudo das 13 solicitudes e da documentación que debe acompañalas, sendo admitidas definitivamente 11 no procedemento de avaliación e rexeitándose 2 solicitudes por diferentes motivos.

5.- Rematada a instrución do expediente, este foi remitido á Comisión de Avaliación, integrada por D José Manuel Fernández Pérez, concelleiro de deportes, D Rubén Peña Barceló, xefe do servizo de deportes-director deportivo e D Pablo Alberte Otero, técnico do servizo de deportes, que actúa como secretario. A Comisión constituíuse o día 16.10.2018 co obxecto de valorar as solicitudes



Copia do documento - Concello de Vigo	Data impresión: 02/05/2024 23:59	Páxina 1 de 4
SUBVENCIONS	CSV: AFA24D-CA243D-C824DC-PQY3E4-8XEMNZ-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

presentadas conforme cos criterios sinalados nas bases da convocatoria. Incorporouse ao expediente a acta da devandita sesión xunto coas follas valorativas de cada solicitante e unha táboa que reflicte o valor dos puntos outorgados e o importe das axudas concedidas.

6.- En aplicación das bases da convocatoria e previo o preceptivo informe de Intervención Xeral a Xunta de Goberno Local, a proposta do Servizo de deportes, en data 30.10.2018 adoptou o seguinte acordo:

“1.-Aprobar a resolución da Convocatoria de subvencións orientadas a potenciar programas de participación de deportistas da cidade de Vigo en competicións oficiais de alto nivel na tempada deportiva 2017/2018 segundo a distribución detallada no Anexo I, por importe de 26.023,17€, con cargo á partida orzamentaria 3410.480.00.00 do orzamento do 2018”.

7.- O Servizo xestor procedeu á notificación das resolucións das axudas concedidas e denegadas ao abeiro deste programa aos solicitantes.

8.- Consultada o 07.11.2018 a xestión municipal de expedientes, compróbase que en data 14.09.2018, D. Antonio José Pérez Castro, con DNI 39465495W presentou no Rexistro electrónico do Concello de Vigo documentación para solicitar unha subvención en relación á Convocatoria de subvencións orientadas a potenciar programas de participación de deportistas da cidade de Vigo en competicións oficiais de alto nivel na tempada deportiva 2017/2018, que o dito documento non se tramitou, e desde entón se atopa aloxado no buzón do Servizo Deportes. (Documento núm. 180149480).

9.- Detectado o erro de tramitación, con data 07.11.2018 o servizo de deportes procede a iniciar de oficio o expediente de rectificación do erro material e a tramitar a proposta de subvención a favor de D. Antonio José Pérez Castro, con DNI 39465495W en relación á convocatoria de subvencións Convocatoria de subvencións orientadas a potenciar programas de participación de deportistas da cidade de Vigo en competicións oficiais de alto nivel na tempada deportiva 2017/2018.

10.- Con data 07.11.2018 solicitouse ó interesado que completase a documentación presentada o 14.09.2018 dentro do prazo previsto nas bases, extremo que cumpriu o mesmo día 07.11.2018 a través do rexistro electrónico do Concello de Vigo (Doc. 180178651)

NORMATIVA APLICABLE

- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.19/2013, do 9 de decembro, de transparencia, acceso á información pública e bo goberno.
- TRRL (RD.Lex. 781/1986, do 18 de abril, Texto refundido das disposicións legais vixentes en materia de Réxime local).
- LALGA (L.5/1997, do 22 de xullo, de Administración local de Galicia).
- ROF (RD.2586/1986, do 28 de novembro, Regulamento de Organización, funcionamento e Réxime xurídico das Entidades locais).
- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).



Copia do documento - Concello de Vigo	Data impresión: 02/05/2024 23:59	Páxina 2 de 4
SUBVENCIONS	CSV: AFA24D-CA243D-C824DC-PQY3E4-8XEMNZ-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- LRXCA (L.29/1998, do 13 de xullo, reguladora da Xurisdicción contencioso-administrativa).
- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- Bases de execución do Orzamento xeral – Concello de Vigo.

III. INFORME

III.1. D. Antonio José Pérez Castro, con DNI 39465495W en data 14.09.2018 presentou, a través da sede electrónica municipal, solicitude de subvención en relación á “ Convocatoria de subvencións orientadas a potenciar programas de participación de deportistas da cidade de Vigo en competicións oficiais de alto nivel na tempada deportiva 2017/2018”. (Documento núm. 180149480).

Xunto coa súa solicitude, o solicitante achega a seguinte documentación: Anexo I.1, I.2, I.3, I.4 e o certificado de conta bancaria.

III.2. A Xunta de Goberno Local en data 30.10.2018 a proposta da Comisión de avaliación do programa de subvencións da Concellería de Deportes, adopta o acordo de conceder e denegar as correspondentes solicitudes a 13 solicitantes, entre as que non se atopa D. Antonio José Pérez Castro, con DNI 39465495W, por non constar a súa solicitude entre as valoradas, por extravío accidental, a pesar de atoparse no buzón da xestión de expedientes do servizo de deportes.

III.3. En data 07.11.2018, a Concellería de deportes detecta que a solicitude de subvención (Doc. 180149480) tramitada por D. Antonio José Pérez Castro, con DNI 39465495W, presentada en tempo e forma segundo as bases da convocatoria a través da sede electrónica municipal con data 14.09.2018, non foi tramitada, e se atopa nun buzón da xestión de expedientes do servizo de deportes desde a dita data.

III.4. Revisada a documentación do expediente de solicitude do solicitante, detéctanse erros da Administración Municipal na súa tramitación pois esta solicitude non tramitouse en tempo e forma nos prazos axeitados. Co obxecto de subsanar esta situación, valórase que é procedente propoñer a revisión e estimación da solicitude de subvención polo que a comisión de avaliación procedeu, tras solicitar ó interesado que completase a documentación presentada, a revisar toda a documentación presentada e calcular a puntuación que conforme ó artigo 7 das Bases reguladoras do programa lle corresponden ó solicitante, incorporando a este expediente a ficha valorativa.

A puntuación acadada polo solicitante é de 52 puntos. Tendo en conta que o valor do punto calculado para o resto de solicitantes foi de 81,77 € a contía que lle correspondería de subvención ó solicitante sería de 4.252,04€ (81,77 x 52). Non obstante, o importe que inicialmente corresponde ó solicitante en base ó valor unitario do punto, supera o importe máximo correspondente por tipo de competición ou por deportista, o que provoca un axuste á baixa na subvención proposta inicialmente, ata os definitivos 2.000,00€.

A baremación do solicitante non afecta ós importes adxudicados ó resto de beneficiarios en tanto que a todos eles lles foron concedidas subvencións polos importes máximos posibles en función das bases da convocatoria, tendo en conta ademais que o crédito da partida orzamentaria non foi executado na súa totalidade.



Copia do documento - Concello de Vigo	Data impresión: 02/05/2024 23:59	Páxina 3 de 4
SUBVENCIONS	CSV: AFA24D-CA243D-C824DC-PQY3E4-8XEMNZ-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

III.5. En cumprimento do artigo 21.4 da Lei de Subvencións de Galicia, maniféstase que da información que obra no poder da Concellería de deportes despréndese que o solicitante cumpre os requisitos necesarios para acceder a estas axudas.

IV. PROPOSTA DE ACORDO

En consecuencia, visto o que antecede e a normativa de pertinente aplicación; en especial, os artigos 112-119 e 123-124 da LPACAP, propónse á Xunta de Goberno Local, en aplicación das bases da convocatoria e previo o preceptivo informe de Intervención Xeral municipal, a adopción do seguinte,

ACORDO

PRIMEIRO: Rectificar o erro material existente na tramitación do expediente vinculado coa resolución da convocatoria de subvencións orientada a potenciar programas de participación de deportistas da cidade de Vigo en competicións oficiais de alto nivel na tempada deportiva 2017/2018, aprobada pola Xunta de Goberno Local do 30.10.2018, incluíndo na relación de beneficiarios, con cargo á aplicación nº 3410.480.00.00 do orzamento vixente da Concellería de deportes (“axudas a deportistas individuais de elite”), unha subvención por importe total de 2.000,00 € a favor de D. Antonio José Pérez Castro, con DNI 39465495W .

SEGUNDO: Notificar este Acordo ó solicitante.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 02/05/2024 23:59	Páxina 4 de 4
SUBVENCIONS	CSV: AFA24D-CA243D-C824DC-PQY3E4-8XEMNZ-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		